



黃圈為爭「光環」同生意而內鬥係常事，但有諗過黃圈內鬥已經開拓出「國際戰線」。修例風波期間力撐所謂「手足」嘅英國黃店「華南行」，近日竟然俾住移民英國嘅黃絲質疑係藍店，原因就係「華南行」堅持賣內地貨。《立場新聞》近日刊出「華南行」老闆 Magic 嘅專訪報道，內容提到「華南行」作為係英國嘅亞洲超市，唔賣內地貨就會失去整個市場。講咁多咩又係為個錢字？啲黃絲睇完唔只有同情，反而揶揄 Magic 「口裡說不，身體卻很誠實」，覺得佢黃唔晒就唔應該標籤自己係黃，結果又引發黃絲罵戰。

●香港文匯報記者 兩航

相關報道裡面提到，當 Magic 俾人質疑係藍店就會好唔開心，好似得唔到人認同咁。報道話「華南行」對比其他英國嘅華人超市真係年資尚淺，但一直都「堅持賣香港製造嘅貨」，Magic 仲話係英國賣香港產品唔

黃店賣內地貨 黃絲跨國狙擊

店東辯稱須「保住市場」 被揶揄「口說不身體卻誠實」

易，好多野擺到過期，唯有拎返屋企自己食，但佢堅持嘅理由只為保存同推廣香港產品嘅。 Magic 又話「華南行」送貨時會隨貨附送香港嘅「抗爭」文宣，更有外國人主動同佢傾起香港嘅事，而「華南行」去年亦將單日營業額全捐畀「612人道支援基金」。報道仲提到，當 Magic 講起周梓樂、陳彥霖等嘅「反送中」期間「犧牲」嘅人仲會眼眶發紅。

至於點解 Magic 咁黃都要賣內地產品？佢就聲稱亞洲超市好難賣內地貨，否則會輸晒成個市場，到時可能請唔起同為港人嘅員工，亦好難再睇英國賣香港製造產品。

講到咁慘情，有網民就即刻彈出嚟替 Magic 唔抵，仲鬧返其他黃絲。「Chan Kwong」就質問：「有乜好鬥，有部份(分)心胸窄嘅小人成日批鬥他人，只會漫(謾)罵、翻舊帳(賬)，要永無寧日咁！咁樣做人開心嗎？」「Dave Wang」就提醒：「好心唔好再鬥黃，棧(蓋)搞到黃店生存唔到下去。」

「Raymond Real」就幫 Magic 講說話：「其實好無謂，我唔相信咁人自己真係一件內地貨

都有用過。」但「Guong Fok Heung Gong」就認為係 Magic 自己擇嚟衰：「有心做其實可以，越嚟越多選擇，好多野(嘢)已經搬去越南，印度，東浦(埔)寨呢啲國家做，更平。」

不過，「Ryan Chu」就認為一切都係錢嘅問題：「你幫佢攞(搞)掂個開支，咪唔洗(使)賣中國嘢，賣皇室御用嘢都得。」「Steve Tse」就話：「都係(啲)句，你班黃衛兵養得起人，賣made in Mars(火星製造)產品又有乜所謂嘢。」「傅傑翰」亦揶揄：「口裡說不，身體卻很誠實。」

被批「黃唔晒就唔好扮黃」

「Mei Miu」就質疑 Magic 嘅做法：「賣唔出既(嘅)貨坐係(嘍)度就有人識欣賞？點解要反而入啲大陸(內地)市場岩(啱)既(嘅)野(嘢)？唔好黃又黃唔晒(晒)，就唔好掛自己係黃先，正常做生意有人會理你」 「Athena Yip」就話：「堅持唔到就怨天怨地，理想與現實就係咁殘酷。」



●《立場》刊登專訪「華南行」老闆嘅報道，疑似幫佢漂黃。 《立場》fb 截圖

移英港人疑違疫令 「同路人」鬧影衰晒



嚟香港唔守規矩嘅黃絲就算移居英國，都只會係破壞當地秩序。有人近日嘅 facebook 專頁「Goodbye HK, Hello UK」開 post，話英國嘅家仲處於封城狀態，好多超市為咗防疫都會限制顧客人數，希望一個家庭只派一人入內購物，可惜帖主近日兩度去超市買嘢，都發現有幾家初到英國嘅港人企喺貨架中間談論新生活，好似聚會咁，搞到帖主行過都要講「Excuse me」而唔敢講「唔該借借」，事關呢批新到英國嘅港人表現，真係令佢尷尬到唔敢講粵語。唔少網民都話部分港人一直唔知醜，又唔理人感受，啲家去咗英國遲早俾人歧視，唔抵可憐。

揭港家庭疑違限聚超市

「Goodbye HK, Hello UK」專頁嘅作者嘅帖文話，明白嚟封城期間嚟到陌生環境嘅感受，但希望新到英國嘅港人學吓自重，因為會影響英國人對其他港人嘅觀感。佢又話雖然過去有人恥笑英國人唔戴口罩、封城期間仲四圍播毒會出現今時今日嘅情況，但「係咪唔知呢個國家經歷咗幾耐，死咗幾多人先演變到今日咁？……人地(她)衰唔等如(於)自己要衰埋一份。」

睇返英國嘅官方資料，3月8日起如果要外出就要一個人，最多只可以同屋企人或者 support bubble (互助家庭) 一齊。

fb 專頁「港英飛機車大砲」就轉發有關帖文，並揶揄：「一定係一個 support group，所有香港人都係同一個 support



●有網民希望新到英國嘅港人可以尊重當地防疫措施。 「Goodbye HK, Hello UK」fb 專頁截圖



●有新到英國港人貼出自己結識其他香港家庭嘅生活點滴，但被質疑違反當地防疫規定。 網上截圖

group」。 「Austin Ma」就留言揶揄：「香港人討厭『新移民』既(嘅)野(嘢)，而(嘅)家全部係(嘍)英國重演。」 「許靈」亦笑言：「香港人素質很高的，那些肯定是外太空來的喇！」

「Connie Tam-Tse」就語重心長：「雖然話初嚟報到，不知者不罪，但請記住本地人已斷斷續續 lockdown 咗成年，除非想繼續無了期 lockdown 落去，否則請自律。留意返現時嘅 Covid lockdown rules。到時比(俾)人話時，唔好話人歧視你。」

「港英飛機車大砲」又貼出一位移英港人早幾日嘅 fb 帖文，附有一張8個着校服嘅小朋友企埋一齊嘅相，呢個帖文寫住：「人強馬壯。每日放學，如果天氣不太差，我們總會到公園玩……呢間學校今個

學年才加入4個香港家庭，共8個小朋友，一時間多咗好多香港人，巧(好)熱鬧嘅！」

「港英飛機車大砲」同時貼出英國嘅防疫規定，即使英國嘅緊3月29日放寬戶外聚會規定，一係不論家庭數目、最多6個人聚埋一齊，一係最多兩個家庭、但唔限成員人數。咁計法，唔知4個家庭會唔會超出人數限制呢？

「廢國廢老9upper」就揶揄：「人哋好明顯係同一個 support bubble……咪老屈人呀，雖然一個 support bubble 應該最多得兩個 household (家庭)。」 「Kitty Cheung」就好無奈：「唉，其實我哋每個人有時都會做咗啲犯規嘅嘢，之不過，唔好下下都要懶到咁要『曬(晒)』出嚟。」 ●香港文匯報記者 兩航

《蘋果》幫美心賣廣告 雙標黃絲幫解畫



●鄭松泰話要撐《蘋果》，食美心。 鄭松泰 fb 截圖

黃絲睇嘢嘅標準，即係冇標準。「熱血公民」主席鄭松泰(蟲泰)之前因為食咗個美心蛋糕而俾班黃絲鬧到七彩，當時蟲泰就反串班黃絲不可理喻，嘔日佢又主動挑機，轉發咗《蘋果日報》宣傳美心戶外 BBQ 場嘅報道打啲黃絲面，揶揄話：「撐蘋果，食美心！……如果唔係蘋果都唔知開咗呢間野。」但啲黃絲點會認真，仲幫蘋果解畫佢哋報道宣傳係為咗暗示大家唔好去食嘅！

蟲泰出帖寸盡《蘋果》

黃絲嘅心頭好《蘋果日報》日前幫美心賣廣告，推介佢旗嘅戶外 BBQ 場，大讚食物有驚喜、地方又整潔。成日俾黃絲鬧到路人雙標針對蟲泰立即抓住時機，嘔日就轉發《蘋果日報》個報道，仲陰陽怪氣話：「撐《蘋果》，食美心！都 OK 近我，如果唔係《蘋果》都唔知開咗呢間野。」仲要揶揄蘋果條美心戶外 BBQ 場報道片，片尾嘅一個寫住「自由……我們不會認命！」嘅畫面諷刺佢。

黃絲果然有令蟲泰失望，個個爭住鬧佢。「Damon Lau」就話：「知道係美心梗(更)加唔會去，橫掂你咁得閒拉住政府人工搵下(吓)掣仔，多啲話畀市民大眾知係邊啲唔好去喇！當刷下存在感都好嘅。」但亦有人就

同蟲泰企埋一邊，身為「熟狗」嘅插畫家「阿柱」就揶揄：「松泰食美心可恥，蘋果賣美心 Okay。」

「Jeff Arlo Jef」亦話：「成日笑你食美心喇啲黃 C 唔係好鍾意《蘋果日報》嘅嘢？點解《蘋果日報》會幫美心賣廣告嘍？哎呀咁啲黃 C 點算？」 「Morty Smith」仲揶揄佢成日上網線嘅黃絲：「今日係民主最黑暗的一天。」 「Joe Yue」就恥笑：「真係慘，黃 C 又 hang 機。」

但做得黃絲硬係死剩把口？「Chun Kei Chang」就反駁：「咁你買起蘋果嘅嘢，你養得起蘋果所有員工咪可以唔駛(使)接廣告嘍。」 「Raymond Kwong」更誇張：「蘋果報 le (呢) 個場係美心，唔係黃絲唔好去食嘅。」真係知黃絲標準多，唔知佢哋內心戲都咁多呢。 ●香港文匯報記者 倪思言

黃絲品評劣食 Cafe Paradise 最搵笨

黃絲成日吹捧「黃色經濟圈」，有啲盲粉仲話食黃店係「理念」，不過有唔少黃店一直受到猛烈批評，除咗俾人話食物難食外，服務態度亦相當惡劣，令一眾「同路人」都嚇怕，要手擰頭話唔會再幫襯。近日就有啲黃絲忍無可忍，整合咗惡劣黃店榜。

龍門冰室
價錢：\$\$
評價：第一次食係(嘍)紅磡，果陣仲要排好耐入去，覺得質素都 ok，價錢偏貴。之後隔咗好耐，去咗荃灣食，d (啲)野(嘢)食一擺落口，難食到×街。之後過一排有聽到話有改善，係好左(咗)少少，但質素都係劣過我第一次食既(嘅)時候。

時代冰室
價錢：\$\$
評價：第一次食既(嘅)時候，覺得同「龍門」差唔多，價錢同質素都係。

大渣哥
價錢：\$\$\$\$
評價：兩個人食左(咗)200幾蚊，完全唔×值。野(嘢)食我無咩印象，好似叫左(咗)個雜扒餐，食得一半，應該一般般，但個價真係收到好×貴。

Cafe Paradise
價錢：\$\$\$\$\$
評價：今年年初四17號夜晚買外賣，叫咗個牛柳120元加30元，共150元，等咗差唔多半個鐘，急急開行返屋企打算食餐好，又黑又老嘅牛柳，鞋(咗)個(過)呀婆塊面，分量極少……打電話投訴後個經理話補番(返)畀我……你唔知俾(畀)啲咩下架(價)垃圾牛肉我，咬落去一陣臭血臭水味！

光榮冰室
價錢：\$
評價：第一次係(嘍)尖沙咀食，一路對佢野(嘢)食印象都唔錯，正常價錢，嘢食大份又唔劣，之後有一排，難食到×街。最近兩個月前去食，做樓面個阿叔好似老人痴咁，係咁漏野(嘢)，個麵出到黎(嚟)又淋晒。果次之後到而(啲)家都無再去，主要係 d (啲)野(嘢)食質素開始跌。

●香港文匯報記者 倪思言

抽水「疆棉」谷賣 Tee 訟黨被批賺盡陰鷲錢



有正路唔行偏要同反中亂港分子綁埋一齊嘅公民黨，啲家搞到山窮水盡，為咗錢乜水都抽得，正乞兒。近排「新疆棉風波」搞到好多愛國子女憤憤不平，個個要抵制相關抹黑國家嘅牌子，點知公民黨就藉呢個話題嘅 facebook 推銷自己整嘅 T-shirt，仲要附上捐款鏈接等啲人賞賜一二。不過睇嚟啲網民就有打算掏腰包，個個都不滿佢趁「手足」坐監賺陰錢，直言公民黨淪落至此，離滅黨不遠了。

公民黨日前嘅 facebook 發帖抽水：「我哋用嚟嘅安全棉，大家可以放心購買，葉太停買 Burberry，我哋就唔會停買 Tee Shirt」，跟住又有頭有尾咁話自己「行得正，著(着)得正，唔使下下都燒波鞋嘅，著(着)得唔好嘅！」似乎諷刺緊抵制行為，以討好佢哋嚟在顧客。

跟住公民黨就直入主題，話有4款熱賣 TEE 畀大家揀，分別印有「頑強」「如水無形」「生於亂世有種責任」「就同你鬥長命」，然後就附上購買鏈接，亦都附贈捐款鏈接，畀啲客多啲選擇咁話。

網民揶揄「離滅黨不遠」

不過，今次嘅營銷手段，網民好似就唔買賬喇。「蔡艾石」揶揄佢哋「醒咗，最緊要食住條水搵錢。」 「Chan Maria」直言：「生於亂世？見過世面未。」 「Wai Wong」揶揄：「貴黨支持違法達義嘅！咁點樣行得正企得正呀？其實貴黨一邊支持年青(輕)人暴動犯法，另一邊就度橋搵佢錢，仲有冇諗過收尾兩年嘅？」

「Ivan Chan」就抱怨：「又要買 NIKE, ADIDAS, 又要幫襯黃店，仲有好多手足上庭，點幫。」 「Keung Benz」話：「收手啦，成班手足坐監監啊，賺埋 d (啲) 陰質(鷲)錢。」 「Sun Fong」就話：「陰黨淪落至此，離滅黨不遠。」 ●香港文匯報記者 文根茂